

Kiel'pezan taboiteksed

Kiel'pezas vähembištkiel' on silžo aigal taboitez dai ruadandtaba. Kiel'pezan taboitez on anta lapsile voimuz omaksottada vähembištkiel', ku hāin rodiže kaks'kieline. Kiel'pezan ruadon ezisijaižed principad oldah vähälu-guižed lapsind'oukod da se, ku opastajad pagištah lapsile ainos vähembištkielt. Ümbärištos, kudamas kielt pideltah kaiken aigan argelos, kižois da pedagogikalližes ruados, päivkodinigižiden kielenmaltand kohenou aiga teravas.



Kiel'pezaruadandal tahtotah tugeta vähembištkielt mugažo päivkodin irdpuolel. Taboitez on kandattada kaikked pereht da tarita opastundmaterijaloid da ezi-markoid kielen opastumižeh niškoi kodišgi. Ku lapsed pagištah kielt, se paremba d'uurduu perehen argeloh. Lapsen kerdalolend kiel'pezan ruadandas voib mugažo parata vahnembiden da heimolaižiden ühtüt omah rodindperah da ezi-ižiden kieleh.

Hüvin mänij kiel'pezaruadand lujendau kaiken arttelin kiel'identitettad da motivoib sigalašt kiel'arttelid edištamah kielen opastumišt da pidelemišt muilgi luaduil. Ku oman kielen arvostuz artteliš kazvau, rodiže motivoind ezimarkaks pidada kursad, luadida uuded kielenopastundmaterijalad da tuoda kiel' uuzil luaduil kaikenmoižihe ümbärištoihe. Ned ristikanzad, kudamiden kielenmaltand on diänü küzümata, voidah pagižiškata kielel enamba da vie uuziden paginkanzoiden ke. Ninka lähes unohtunu kielenmaltand da sanavara aktivoitaheze uudessah.

Kiel'pezaruadandal tahtotah mugažo koheta kielt levitamal sen sanavarad da pideluzalad. Vähembištkieližiden azijantundijoiden tiedoid da maltandoid opitah pidelemah da luaditah aktivaizesti nügüižeh aigah pädijoid terminoid, professijanleksikkad da kielehišt praktikkad.

